



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o davanju saglasnosti gradonačelnici Grada Sarajeva za
okončanje projekta „Izgradnja mreže fekalnih otpadnih voda objekta koji je lociran uz
dolaznu stanicu Trebevičke žičare“
(Prijedlog)

Predlagač: Gradonačelnica
Obradivač: Služba za urbano planiranje,
investicije, stambene i komunalne poslove

Sarajevo, juli 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“ broj 7/23), Gradsko vijeće Grada Sarajeva, na __. sjednici održanoj dana __. __. 2023. godine, donijelo je:

(Prijedlog)

**Odluku
o davanju saglasnosti gradonačelnici Grada Sarajeva za
okončanje projekta „Izgradnja mreže fekalnih otpadnih voda objekta koji je lociran uz
dolaznu stanicu Trebevičke žičare“**

Član 1.
(Dosadašnje aktivnosti)

Gradsko vijeće Grada Sarajeva podržava dosadašnje aktivnosti Grada Sarajeva na realizaciji projekta „Izgradnja mreže fekalnih otpadnih voda objekta koji je lociran uz dolaznu stanicu Trebevičke žičare“.

Član 2.
(Planiranje aktivnosti)

Gradsko vijeće Grada Sarajeva daje ovlaštenje gradonačelnici Grada Sarajeva da, u skladu sa Zakonom o javnim nabavkama Bosne i Hercegovine („Službeni glasnik BiH“, br. 39/14 i 59/22) i raspoloživim sredstvima, provede proceduru javne nabavke, a zbog nepredviđenih okolnosti i radova koji se nisu mogli predvidjeti u vrijeme pokretanja postupka predmetne javne nabavke.

Član 3.
(Finasiranje)

Sredstva su obezbjeđuju u Budžetu Grada Sarajeva za 2023. godinu kroz kreditna sredstva Razvojne banke Federacije BiH.

Član 4.
(Stupanje na snagu)

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo,

OBRAZLOŽENJE

PRAVNI OSNOV

Pravni osnov za donošenje ove odluke sadržan je u odredbama člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) kojim je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI DONOŠENJA

Grad Sarajevo je putem Otvorenog postupka javne nabavke proveo proceduru i zaključio Ugovor za radove na izgradnji mreže fekalnih otpadnih voda objekta koji je lociran uz dolaznu stanicu Trebevičke žičare, broj: 01/14-11-5243-2/22 od 06.09.2022. godine, sa firmom Mibral d.o.o., a nadzor nad izvođenjem radova vršio je Zavod za izgradnju Kantona Sarajevo. Ugovor je zaključen na iznos od 1.474.156,65 KM bez uračunatog PDV-a.

U proteklom periodu, u okviru izvještavanja Gradskog vijeća Grada Sarajeva o aktivnostima Gradonačelnice, Gradsko vijeće Grada Sarajeva redovno je informisano o aktivnostima na realizaciji ovog vrlo značajnog projekta.

Dana 19.04.2023. godine, Grad Sarajevo je zaprimio akt od nadzora Zavoda za izgradnju Kantona Sarajevo u kojem se, između ostalog, navodi da je prilikom izvođenja radova na polaganju kolektora i polaganju šaftova došlo do povećanja potrebnih količina asfalta i tampona u odnosu na količine predviđene projektom, između ostalog i zbog loše zatečenog stanja saobraćajnice. Projektom je predviđena popravka asfaltnog kolovoza gdje je saobraćajnica raskopana, odnosno dovođenje u prvobitno stanje. Zatečeno stanje asfalta prije početka radova bilo je u lošem stanju. Asfalt je bio potpuno istrošen, a na pojedinim dionicama uočena su oštećenja zbog nedovoljne debljine asfaltnog sloja. Također, uočena je devastacija uslijed starosti, ulegnuća itd.

S tim u vezi, Zavod za izgradnju Kantona Sarajevo je konstatovao da je, prema uslovima na terenu, zatečenom stanju, neminovnim oštećenjima, nastalim uslijed izvođenja radova (teška mehanizacija, vibracijski čekić za razbijanje stijena u rovu, kamioni i ostali), neminovno povećanje količina asfalta i tampona. Također, u svom aktu ističu da, pored značajnog povećanja potrebnih količina asfalta i tamponskog sloja, dio saobraćajnice ostaje u izuzetno lošem stanju zbog čega se, sa aspekta struke, predlaže sanacija asfalta u punoj širini i dužini saobraćajnice.

Na osnovu gore navedenog, Grad Sarajevo je tražio izjašnjenje od izvođača radova firme Mibral d.o.o. koji su u svom aktu, između ostalog, naveli da je konstatovano izuzetno loše stanje asfalta, da su se radovi izvodili u stijenskom materijalu V i VI kategorije, te da je izvođač radova prilagodio tehnologiju izvođenja stanju na terenu, uz korištenje neophodne građevinske mehanizacije, što je evidentirano kroz građevinski dnevnik.

Nadležna Služba je izvršila zajednički izlazak na teren sa nadzornim organom, predstavnikom izvođača radova, geometrima i projektantom, te je izvršen obilazak trase i određivanje minimalnog obima sanacije saobraćajnice, kako bi projektant mogao uraditi tačan i precizan predmjer radova koji će se koristiti za provođenje zakonske procedure javne nabavke.

Uzimajući u obzir da se radovi izvode u zaštićenom području Zaštićeno područje „Trebević“, postoji i veliki broj pritužbi posjetilaca tog područja, a zaprimljen je i akt Općine Stari Grad Sarajevo kojim nas obavještavaju o obavezi vraćanja asfaltnih površina u prvobitno stanje.

Cijeneći naprijed navedeno, očigledno je da je u konkretnom slučaju neophodno provesti zakonske procedure kako bi se dogovorili radovi koji su neophodni za završetak ovog projekta, a koji se nisu mogli predvidjeti u vrijeme pokretanja predmetnog postupka javne nabavke.

O svim daljnjim aktivnostima na realizaciji ovog projekta, sačinjenom predmjeru radova, provedenoj proceduri javne nabavke i zaključenom ugovoru i završetku radova, Gradsko vijeće Grada Sarajeva će biti informisano.

FINANSIJSKA SREDSTVA

Sredstva su obezbjeđuju u Budžetu Grada Sarajeva za 2023. godinu kroz kreditna sredstva Razvojne banke Federacije BiH.